



Broj: 08-16-5-905-11/18
Sarajevo, 18.10.2018. godine

Na osnovu člana 21. Zakona o reviziji institucija BiH („Službeni glasnik BiH“, broj 12/06) i člana 70. Zakona o javnim nabavkama („Službeni glasnik BiH“, broj 39/14) i Zapisnika o pregledu i ocjeni ponuda sa preporukom Komisije za javne nabavke o izboru najpovoljnijeg ponuđača, broj: 08-16-5-905-10/18 od 18.10.2018. godine, glavni revizor donosi

ODLUKU

o izboru najpovoljnijeg ponuđača za nabavku usluge osiguranja vozila za potrebe Ureda za reviziju institucija BiH

I

Najpovoljniji ponuđač za nabavku usluge osiguranja vozila (redovno/osnovno i kasko osiguranje) za potrebe Ureda za reviziju institucija BiH, putem konkurentskog zahtjeva za dostavu ponuda je firma „Croatia osiguranje“ d.d. sa cijenom ponude od 1.774,00 KM bez PDV-a.

II

Po ispunjavanju zahtjeva iz tenderske dokumentacije u pogledu dostavljanja dokaza za koje je tražena Izjava iz člana 45. Zakona o javnim nabavkama i po okončanju roka za žalbu, Ured za reviziju institucija BiH će sa izabranim ponuđačem zaključiti ugovor, kojim će se regulirati međusobna prava i obveze vezano za predmetnu nabavku, u skladu sa zahtjevima navedenim u tenderskoj dokumentaciji i zakonskim propisima koji regulišu postupke ugovaranja.

III

Ova Odluka će se objaviti na web-stranici Ureda za reviziju institucija BiH, istovremeno s upućivanjem odluke ponuđačima koji su sudjelovali u postupku javne nabave.

Obrazloženje

Na osnovu Odluke o pokretanju postupka javne nabave jednog službenog vozila, broj: 08-16-5-905/18 od 28.09.2018. godine i obavještenja o nabavci objavljenog na portal javne nabavke, broj: 1191-7-2-64-3-13/18 od 05.10.2018. godine, proveden je konkurentski zahtjev za nabavku usluge osiguranja motornog vozila za potrebe Ureda za reviziju institucija BiH.

Komisija je Zapisnikom sa otvaranja ponuda od 17.10.2018. godine, konstatovala da su blagovremeno pristigle tri ponude i to: ponuda firme Sarajevo osiguranje d.d. sa

cijenom ponude od 2.107,80 KM bez PDV-a, ponuda firme Central osiguranje d.d. sa cijenom od 1.590,80 KM bez PDV-a i ponuda firme Croatia osiguranje d.d. sa cijenom od 1.774,00 KM bez PDV-a.

Komisija je na zatvorenom sastanku izvršila pregled i analizu dokumentacije priložene uz ponude u smislu provjere validnosti s obzirom na iskazane zahtjeve Ureda za reviziju institucija BiH u tenderskoj dokumentaciji.

Uvidom u priloženu dokumentaciju pristiglih ponuda i suštinskom provjerom sadržaja i validnosti dokumentacije, Komisija je konstatovala da dvije ponude i to ponude: Sarajevo osiguranje d.d. i Croatia osiguranje d.d. ispunjavaju sve formalnopravne i tehničke uslove tražene tenderskom dokumentacijom te da iste mogu biti predmet daljnjeg vrednovanja. Ponuda ponuđača Central osiguranje d.d. nije prihvatljiva za ugovorni organ jer ista nije dostavljena u skladu sa članom 58. stav (2) Zakona o javnim nabavkama („Službeni glasnik BiH“, broj 39/14) i na način kako je to traženo tačkom 13. tenderske dokumentacije. Naime u članu 58. stav (2) Zakona o javnim nabavkama stoji da ponuda mora biti čvrsto uvezana i **sve strane ponude numerisane** (izuzev dokaza o garanciji iz stava (1) tačka b) ovog člana, te štampane literature, brošura, kataloga i sl.), što nije bio slučaj kod ponude Central osiguranje d.d. Takođe je ugovorni organ i u tenderskoj dokumentaciji u tački 13. naveo da se stranice ponude **označavaju brojem na način da je vidljiv redni broj stranice** i da ponuda neće biti odbačena ukoliko su **listovi** ponude numerisani na način da je obezbjeđen kontinuitet numerisanja. Ponuđač Central osiguranje d.d. je dostavio ponudu gdje je umjesto numerisanja svake stranice ponude, ispred svakog dokumenta koji se nalazi u ponudi napisao na stranici redni broj i sadržaj dokumenta koji se nalazi iza. Način na koji je ponuđač izvršio numerisanje stranica ponude nije u skladu sa Zakonom o javnim nabavkama i tenderskom dokumentacijom, te stoga ponuda ponuđača Central osiguranje d.d. ne može biti predmet daljnjeg vrednovanja.

Prilikom evaluacije i poređenja cijene prihvatljivih ponuda, Komisija je utvrdila da sve prihvatljive ponude uživaju i preferencijalni tretman domaćeg. U skladu sa navedenim Komisija daje rang listu prihvatljivih ponuda:

1. Croatia osiguranje d.d. sa cijenom od 1.774,00 KM bez PDV-a
2. Sarajevo osiguranje d.d. sa cijenom ponude od 2.107,80 KM bez PDV-a

Shodno odredbama Zakona o javnim nabavkama i kriterija za dodjelu ugovora „najniža cijena“, i cijeneći prethodno navedeno kao i činjenicu da je prvoplasirana ponuda i u ekonomskom smislu prihvatljiva za ugovorni organ, Komisija je jednoglasno dala **preporuku** generalnom revizoru Ureda za reviziju institucija BiH da donese:

Odluku o izboru najpovoljnijeg ponuđača za nabavku usluge osiguranja vozila za potrebe Ureda za reviziju institucija BiH, i da se ugovor dodjeli ponuđaču „Croatia osiguranje“ d.d. sa cijenom ponude od 1.774,00 KM bez PDV-a.


Cijeneći navedeno, generalni revizor Ureda za reviziju institucija BiH donosi odluku kao u dispozitivu.

PRAVNA POUKA

Žalba se izjavljuje Uredu za razmatranje žalbi, putem ugovornog organa, u roku od pet dana od dana prijema Odluke o izboru najpovoljnijeg ponuđača.

Dostaviti:

- Ponuđačima x4
- Komisiji za nabavku
- Službi ureda
- a/a.



GENERALNI REVIZOR

Dragan Vrankić